

西圃續集卷三

綠畝山房雜興 丁丑

吾祖昔辭祿言歸石湖田石湖西南去愛此好溪山一
邱築生曠三間架短椽自我從游日今逾五十年人事
日遷變喬木猶門前門前春水長已有罨泥船農功又
將始物理悟盈謙飛鴻庶安宅布穀來林間

東鄰有溪翁植杖溪頭立白鬚飄如仙古貌清於衲問
翁年幾何平頭剛八十謂我舊相過邀我入蓬室大兒
具村茗次兒拂繩榻幼婦避人去長婦話頗悉翁言有
兩女早嫁與近集昨朝來賀歲辛盤薦人日孫行外兄
弟雜沓繞腰鄰累伊終日忙向晚競梨栗鄉人禮節疏
筋力亦不及十年雖君長未食乾隆粒我出溪翁門遂
巡殊自失

西圃續集卷三

一

長松凌青霄蒼然奮虬鬣溪梅若含笑臭味相與淡城
中羅紈子昨來展墓柏匆匆造我廬未暇芼芹蕨信宿
亦幾何空山多歲月朝來雪滿岫清峭入肌骨一夜試
燈風吹香送輕楫煙冷水迢迢未讓茗溪夕

誰理石湖權吳兒夫與妻夫妻自相愛子女自相依妻
言操舟苦雨風吹縉絲夫亦時相顧局促舵尾炊誓將
岸上住不學鴛鴦棲年年行春橋載得豪家姬青春尙



歡笑白日俄悲啼寄言浣紗女未必遇鴟夷

穀雨將臨鼠姑乍放束繆瓢隱許退閑

看花未是惜花人但解尊前醉好春細檢露芽扶雨葉
圃翁何日不躬親

種花引得看花人紫蝶黃蜂物候新獨倚簾櫳破清曉
一杯先與酌花神

金尊檀板賞花人一曲清平調已陳那識澹雲疏雨裏
竹籬茆屋有濃春

五年前是詠花人留得花前健在身
壬申春花前
集已五稔矣聊
與清狂慰飢渴來朝開筵又延賓

西圃續集卷三

二

吳清卿學使大徵假滿還朝枉過話別適案頭

有近作蘭冊見而許可卽以贈行並系一詩

手持玉尺向關中徧采芝苔滿藥籠好乞君恩來遺

母遙傳士論尙思公文章臭味忘年久譜牒因緣結佩

同余幼子新與
君少女聯姻魏闕江湖共回首煩將芳訊付詩筒

送麀生姪之武昌

昔愁楚江遠今喜楚江邇一帆挂吳淞五日達鄂渚楚
江何所有紅蘼與綠芷君詩采擷之芳馨携袖底況茲
景物佳筍香魚正美君詩咀嚼之清腴入骨髓詩成落
筆凌滄洲明月恰照黃鶴樓吹君蒼玉笛披君白氎裘

武昌諸山青拍浮樓上仙人何縹緲江邊估客尙遷流
羨君瀟灑得自由與君握手期清秋扁舟忽報樓下艤
來看君詩在上頭

繁姪寄示王生笈甫畫鍾馗題記翦燭讀竟走筆
寄之爲我質王生當有以報我我將啟甕濯壘
迓公玉趾笈甫名鴻朗嘗爲蜀通判杭州人

榴花已紅蒲已綠頗想馱公造我屋公之化身不知幾
千百一一紗帽裹頭鞵繫足去此二者亦何妨只恐非
公眞面目除夕驅邪醉椒酒手版朝天迎蝙蝠有時簪
菊賞重陽不解脫巾將酒漉公之愛鞵愛帽勝於酒暑

西圃續集卷三

三

汗淋漓尙裝束人言進士之名誤乃公公道登科良不
惡不然昔邪居士亦畸人何以題名欲附公大書博學
鴻詞毋乃將公辱

嘗見冬心畫馱像署曰薦舉博學鴻詞揚州金農繪

我今一言

謹告公請公科頭跌腳且把身中垢膩浴從我林間還
水曲榴花媚眼蒲引齒好向湖山吸醺醪莫啖夔魍污
公腹笈甫判官爲我寫公變相當我諾灑埽虛堂佇公

躅

七十述懷敬次 先大父嘉慶己巳詩韻

少壯困名場偶逐閒雲出通籍鬢已華投簪遽引疾謬
廁承明廬回翔無幾日黃扉開絳帳銜杯送其姪

丁未假旋

時從父文恭公爲掌院學士
送之行自此長違杖履矣
未待階一遷何虞仕三黜

典型在鄉黨相隨會真率郊也信不才多病良朋恤

後時與朱蘭坡先生吳鑑庵棟華董琴滄高芾堂諸丈
結問梅詩社已酉以後凡邁沈疴三次自是文酒之會

日疏矣
俛仰卅年間迂疏冀鮮失

卅年曾幾時人事更灾祥流離念桑梓存歿堪悲傷承

平幸重靚條忽十五霜新聞競聒耳往事徒摧腸推排

到今日漸少兄事行人生蘄多福首在壽命長所嗟涉

歷艱如越千仞岡茅檐容嘯傲身世已相忘

古人重傳家七十始曰老悲歡與離合百年亦草草生

理況不齊似續有多少
長孫志諱幼稟夙慧十九游於
庠旋天折今觀保止一子志案

西圃續集卷三

康保三子志
暉志鄂志卓吾祖躋此年小子纔襁褓三世祇三人奚

暇論醜好
禎生無伯叔大父時年六
十九先公年四十五矣顧茲劫餘生骨肉

幸相保兩見子生孫譬如稻熟早敢效宋人愚助長使

苗稿
甲戌八月今二月志案連
得兩子命日承謀承矩

呢喃聞燕語念彼宦游人巢痕在梁間忽如往跡陳努

力答 清時流光良足珍欲思毋負 國先求毋負民

毋徇子子義毋鄰煦煦仁涓埃我未報愧此 君父身

好風播輿誦逖聽可怡神何必誇里巷競逐稱觴辰

子由約對牀言歸辭祿仕老氏戒殆辱取義在足止吁

嗟風雨聲一卧不復起萊妻願偕隱卜築隨芒履草堂

清且幽愛茲耶壑美偃然拋我去忽悟蒙莊旨年來尙
分甘桑榆蔭未已聊以娛目前敢期錫蕃祉幼子敦先
十歲嗟先
七歲俱
在塾

呼愴受遺訓習染防庸流勿爲隨波去汎若水上漚哀
哀念父母焉用事王侯孫枝幸繼起敢謂瑜珥儔科名
易忝竊祖德難云酬詩書苟有癖能令諸疾瘳榴花窗
外然篁篠檐前抽敞廬吾長守飲啄無他求

次韻星齋弟七十述懷

老去看書眼尙明臣心自信擬冰清士林舊仰風流獎
吾道誰操月旦評馬隊論文應笑我鸞臺珥筆合輪卿
卽今致仕年回到未忘求才佐治平

西圃續集卷三

五

緇塵回首六街馳草草驪歌折柳絲初地最思芹苴水
弟與余同
案遊庠 近 天同宿鳳凰枝已成老物疑仙蠹許作

閒人仗佛慈笠澤煙波無恙在幾時竟踐白頭期舊有
奉贈

簑笠相期話
雪顛之句

東塗西抹笑敬斜是處香林壁護紗未有涓埃留諫草

弟由玉堂游陟六卿中間惟一爲
光祿卿余則性在翰林者兩月耳 又傳沆瀣豔簪花今

探花朱廣慶爲 故人厚祿酬 昌運兒輩科名忝世家

海內弟兄知有幾吟箋同擘彩流霞余亦有述
懷詩奉寄

何必人間第一流東城南陌憶前游劉夢得詩東城南
陌昔同游坐上無

人第

龍鍾未甚猶爭羨鳩拙須藏好自謀難得少君同

皓髮

弟夫婦同庚

笑看稚子尚蓬頭余有兩幼子纔髫髻因風寄與延

年訣但把金漿泛玉舟

山中早起

朝暎在樹巔流雲動晃漾幽禽三兩聲衝煙條來往山
花過雨然徑竹帶露長池面清風來獨立竚凝想忽聞
笑語聲婦稚亦來賞相與話天倪真堪息塵鞅
節物已遞更更鄰忙過蠶麥纔報盧橘黃又見楊梅赤蜀
葵黑房多香護蜜苞坼紫萼間紅紗紛敷媚窗側游魚
戲文藻其樂不可極刺水念秧鉞分龍盼靈澤

西園續集卷三

六

喜雨

十點五點斜風飄簾波搖漾垂冰綃千點萬點跳珠急
翡翠橫衝衣桁溼電光忽掣紫金蛇阿香隱隱驅雷車
俄聞簷瓦聲如注咫尺前峯失煙樹連宵達旦響未歇
澗水門前流決決斯時田夫踈沒泥蓑衣籜笠木馱駝
明朝一望鱗塍綠挂起桔槔爭濯足

述懷詩屬而和者頗多謹賦二律一以荅同人一

以酬同學

里巷爭傳說古稀新篇稠疊燦珠璣光陰祇惜駒空過
心事真如鷁退飛已覺知交前輩少難防論定後人譏

閉門無限停雲想三徑婆娑對落暉

頻年差喜盍朋簪捧到瑤華思更深散櫟年多增臃腫
脩篁氣靜寫清森出藍生水才何限報玖投桃樂可尋
欲託忘年交本淡河干常愧伐檀吟

詠萱花

萱草忘憂又名宜男婦人所佩北堂二字見於伯兮詩毛傳言婦非言母後人以之頌母始於唐人但借北堂爲婦人所居耳今則專以屬慈闈遂成典故矣

蓬首甘心念伯兮豈無膏沐爲誰施此花自號宜男草
誤詠慈闈聶坦之聶夷中詩慈親倚堂門不見萱草花

初秋書況

西圃續集卷三

七

清涼又到早秋時漸喜軒窗小坐宜重埽粉牆懸舊畫
偶尋花徑得新詩今生已恨書遲讀後死猶留責未辭
但許心閒身尙健敢拋晚景白駒馳

寄贈常熟蘇望之同年

文海

矮屋論交夜名心已共忘偶緣文字果幸附友昆行蹤
跡停雲靄年華逝水長虞山青到郭隱几日相望

聞道淵明宅同君正望衡尊嚴宵雅肄款洽歲寒盟濠
喜和陶詩與君對門而居其幼子卽從君課讀官冷猶高蹈君以太倉廣文引疾歸里身輕

况耦耕夫人齊眉壽康豈徒論齒長攸好亦吾兄君長余一歲

中秋

要從玉宇問纖阿海內今宵景若何聞說諸天寬雨露
浪傳大地湧山河二千里外秋光共五十年來世味多
却笑閉門貪早睡負他石上好藤蘿

後十日山中卽事

偷閒豈學少年行泉石難忘是夙盟高樹有風秋易老
虛窗無月夜常明山僧面作蒼皮古野老心驚白髮生
聽說江湖鴻雁早吳儂何幸飽香秔

病中聞秦氏三外孫

蘇麟綬章夔揚

作賞菊社以

險韻相角舐次其韻得三律並示顧虹玉孝廉

有樛

胡孟魯

豐穀

吳子祥

錫熊

兩茂才及姪孫

西園續集卷三

八

志穎

末章并欲爲解圍也

會看細菊綴重巖背指舟搖不挂帆何似結來吟社健

更教贏得酒人饒烏皮几滑霜華拭鹿眼籬疏已字嵌

花中有黃已銀紅已硃砂已三種余最愛之

但把雙螯常對此頭銜底羨作

州監

莫認延年是傅巖

本草菊花一名傅延年

一篷窗點筆憶歸帆

乙巳秋

家南下有南陽道中寫菊冊題詠頗多

病聞雅會心猶躍老對秋容眼尚

饒佳士自然神澹遠化工如許妙空嵌阿翁興好真堪

羨爲主詩盟又酒監

謂筵舫

苦將深壘築詩巖且放隨湘好轉帆冷眼只愁花欲笑

空腸還誤客方饒餐英注滿傳杯瀉繪影燈迷鑿壁嵌
料得觸屏僮已睡長鬚獨立火鑪監

聞外孫輩挈朋作靈巖之游再用前韻

正好丹楓映碧巖競攜俊侶挂輕帆定知野展經新蠟
應有山肴慰老饒

子祥家靈巖
下當作主人

訪舊榛荒華屋鎖題名

辭別峭厓歇歸舟未減狂歌嘯驚起閭門小吏監

梅菊同清圖贈芾卿孝廉

重陽過了小春回籬下開餘嶺上開一樣清標商位置
沂公好約魏公來

徐健庵司寇遂園脩禊卷劫後流轉市肆僅存一

西園續集卷三

九

圖漫漶幾不可辨識余爲審定屬裝池名手

劉

文稍治頓還舊觀姪孫志萬訪得圖記及諸家

倡和詩重錄於後追和二律

同心言比素心蘭欲得同心自昔難世運開時見才藪
官階歷過築詩壇東南美盡無遺憾主客圖成有古歡
今日要尋觴詠地我來憑弔玉山寒

劫火摧餘楮墨零天教河嶽護英靈卻從蝨蝨蟬傷後
重見鸞飛鶴峙形尙友固宜通聲欸題詩還與播芳馨

自憐寂寞疏星夜三兩人來問字亭

適顧虹玉王芾卿
淮海三外孫有詩

酒之會因
邀同作

正月三日春朝口號 戊寅

曉來便是戊寅人

卯刻立春

玉律吹回大地春臘雪已占盈

累尺朝陽恰喜現重輪好隨彩仗歡欣色徐賞青郊澹
沱辰要祝東風催解凍安排筆硯寫芳新

人日舟發橫塘冷雨成雪次第謁萬祿雅宜瑩晚

抵澗上玉龍翔舞一片迷漫擁爐記之

欲尋黃子久

兩日新霽已有春意

翻得范華原野艇寒依渚山扉

靜掩村頗嫌吟思澀惟覺醉鄉尊蹴踏松楸路天留粉
本存

翼晨雪消又雨謁河亭張澗瑩還憩草堂

西圃續集卷三

十

春雪不堪把冥濛望曉天挈餅村女出擁帚圃翁先風

木傷心久冰霜鍊骨堅還期開堦戶拄杖早梅前

舊有句云

驚蟄梅花候不差今年驚蟄恐梅花猶未盛也

寒梅

萬木僵來鐵幹存蒼官青士與朝昏後彫賴以遮蘿徑

先發依然映竹門世上狂飈欺敗蘚山中明月孕靈根

東皇一夜催春至獨占雲階對曉暎

張守奎 托鉢圖

千人坐上笙歌歇羅漢臺邊薜草斑誰識風流張夢晉
至今游戲在人間

酒榼詩瓢得未曾祇應添畫一枝藤若教攜訪鳴鐘寺
一笑相逢粥飯僧

遣悲懷詩

案孫自豫歸五日而病病十二日而歿衰屨暮
景遭此奇變倉黃悲哽殆不可支聊以詩遣之

義軒一首

無始茫茫浩氣盈義軒底事費經營死生閱徧曾何異
榮悴參來總未平祇有俳優堪玩世漫勞太上說忘情
白雲自向晴天卷矯首長空健羽橫

孤芳一首

幾見浮雲滓太空任他磨蝸守吾宮
戊午仲弟謝世戊辰家孫驟天今又

西圃續集卷三

七

遇戊前後二十年若有定數可謂咄咄怪事江淮派遠客生浪松柏柯高不
障風萬變自生羣動後孤芳獨駐曉寒中試將甲子從
頭數第一傷心是藐躬
嘉慶戊寅生妣袁太夫人見背卅纔十一齡

閉門一首

花甲周來過十齡故交零落比晨星更無佳興聯新社
況復清陰減舊廳
却後三松失其一補種一林而其右一抹又新萎插架煙雲

真過眼閉門木石與忘形怪來七日醞酬雨尙有生機

仗佛靈

一病十旬幾無生理家人爲乞大士靈方命以核桃三枚糞穠米服至七日精神漸蘇

大造一首

從教一雨潤芳田自古常疑大造偏直以暑寒催令序

儘隨哀樂過中年浮身合作無情物慧眼難穿有漏天
卻對侵階濃綠滿且看簾影漾鑪煙

白雲一首寄

觀兒

眼看簾底隙駒忙壯盡衰來亦是常

用香山句

歿壽幾人通

性命角張何術驗行藏世間鬼伯庸非孽天上星郎或有行鄭重生離勝死別白雲猶得遠相望

志暉

初學作制藝寄

鹿兒

並示

鄂卓兩孫

苦說傳家盼後賢早慚貽厥舊吟篇科名草本尋常物
功德林須積累緣但解讀書須閉戶未妨識字尙耕田
何人捧我牀頭硯贏得他年清淚漣

西圃續集卷二

七

舟出葑門過寶帶橋閒步

三兩漁舟曬網停煙波四面是漁汀長虹自跨東南勝
不見當年乙未亭

儻如姪寄示近作潘真人冠履圖二絕次韻答之
誰記三生石上痕神仙已去蛻猶存眼前冠履前生蛻
莫舍靈根覓鈍根

要從積累叩前塵功德林中現此身種滿人天歡喜果
豐干饒舌問何人

重九日過石湖時久病初瘳

半年不見石湖水九日重看茶磨山老我餘生腰腳輭

空將衰鬢對孱顏

越來溪隔越山青千古英雄有暮齡多少功名成敗事

一湖煙水漾冥冥

重吟舊句入新圖爲恐山房草易蕪太息采蕪人去後
祇餘笠澤暮雲孤

溪流瀲灩轉村灣岸柳垂垂弄碧潺堪羨田家人事少
香茅只蓋兩三間

一橋跨過蓼花村小集松棚豆架存雜沓樵夫兼牧豎
尙留清氣與乾坤

東坡云無事此靜坐一日是兩日吾衰矣庶幾勉

之

西園續集卷三

三

那有長繩繫景馳儘教野馬逐塵吹欲求靜坐一無事
惟有閉門百不思閒對屋鴟銜落照細看窗蠹漏圓曦
平生誤解分陰惜空妬茅檐負曝私

遣懷

不飲愁難埽貪眠夢未清何人當樂死況我本勞生覓
劍除諸妄援琴降不平曉窗晴正好且莫負南榮

重遣懷

忽忽浮生萬念捐祇餘結習尙流連編年小藁希詩史
戲墨新圖悟畫禪花徑榮枯無定相草堂去住只隨緣

達人縱有延齡訣不及飢餐與困眠

郊外遣懷

扶藪筇屨向江郊
予行窩舊結茅雪柏霜松堪鍊性
野麋林鹿早論交
頗疑歲月中駐儘把風波世外拋
暫止頻來緣底事
不辭懶慢杜陵朝

冬窗遣懷

雁聲嘹唳墮微茫
十月寒空未盛霜
碧草連天愁信遠
黃花與我喜交長
細傾竹葉今無分
爛煮蕪菁舊有方
退士生涯原冷淡
祇宜晏起看晴光

客去

西圃續集卷三

古

客去茅堂掩戶深
病夫偃仰散幽襟
揮鋤尙贖栽蔬手
抱甕仍留種樹心
絕壁看雲思獨立
芳池照水得清吟
故山猿鳥時招我
月壑風巖有賞音

元旦卽事

己卯

眼前兩子一曾孫
謂敦先睦先及承謀
天遣衰殘老物存
飽食敢云稽古力
耽書惟讀養生言
閒栽花草猶盈砌
懶束衣冠不出門
遠道年年通鯉訊
喜無官鮓汙盤飧

正月下澣展墓歷五世四日而徧

刺促松楸路梅花笑我忙
世應遺老醜天又付春光
忽感嚶鳴意仍歌獨寐章
自慚褊性在葛屨慣經霜

無隱庵

旋旋晴煙展春山
我游逢僧尋竹徑
懷舊拜榛邱王

樂山師墓於庵旁
老覺前塵杳
慵教萬慮休
捫蘿慕先迹
蓮社

足風流嘉道問大父與老僧澄谷結方外交題魚樂二字於小池石上今庵僧寂三以拓本見貽

綠畝山房卽事

東風已上溪橋柳
綠水青山勸沽酒
那知造物妬清歡

冷雨狂飈只翻手
一夜擁衾真似鐵
曉起瓦溝驚積雪

聞道笙歌院落中
從來不許寒暄易
子生歡樂知有幾

舊恨新愁感何已
白頭如雪雪如髭
那管鳩啼還鵲喜

前朝曾泛石湖舟
兩日更作山塘游
頗怪新年換腰腳

西園續集卷三

五

重來冒雪撫松楸
吾祖吾祖鑿此意
雪裏晨暎露巖際

扶筇躡躅饗堂前
紅萼含煙疑破涕

山塘獨泛有懷濠叟

小艇城隅出郊原
徧綠蕪水文晴間
雨巒翠有疑無暫

許煩襟釋能令病骨蘇
勝情思往事惆悵短筇孤舟中讀大

父詩集中多山塘紀遊之作

獨憶廉夫隱虞山
北望賒幽居惟汲古
俊侶共看花未

與莼羹約前年有賣莼者至琴川無人過問叟聞而歎惜近示食莼詩知已羅而致之矣
猶勞

林釀誇余製秫酒叟稱其醇靜因每以酒乞書
白隄春樹合徙倚暮雲斜

題高且園指頭畫鍾進士像

歲久巾鞞儼在門

放翁詩歲久
鍾葵儼在門

競傳擊鬼亦空言不如

歸向終南去捷徑人多莫浪奔

擲掄伎倆有時窮雞肋尊拳實負公

用劉伯倫語

悟得應身

彈指現停杯且看石榴紅

隨身利劍亦何庸醉覺乾坤酒氣濃化作煙雲堪插腳

可知老子竟猶龍

鍾馗濯足圖二首

多食鬼車防病腿此境聊堪滌腸胃平生束縛良可慨
一朝得此大自在江波潑酷能析醒澈底何必滄浪清
可以濯足毋濯纓回頭一笑榴花赭

西圃續集卷三

七

朱旗畫鼓弔三閭不縛蛟龍縛鬼車獨坐柳陰貪濯足
轟雷掣電弗關渠

鍾馗卧囊圖

霞觴滿引何曾醉興闌忽作勦勦睡不與羣公爭坐位
昌陽可葅魚可羞囊天風月香篋芻嫵媚欲奪安石榴
夢中猶記瓊林事袍笏登朝仙醞賜當日何曾見螭魅
夢山行得詩四句醒遺數字足成一律已落言詮
行行得古樹空腹狀輪困生意猶能發奇姿不可馴繁
華三月夢楨榦百年身造物生材意何從問夙因

濠叟寄示題石谷畫四幀以消溽暑詩黏之壁間

朝夕諷詠立秋後暑更酷煩襟鬱然聊依其體
和之冀炎歎之暫忘也

六月秋已至陽鳥猶爍金既無鐘鼎業空抱山林心山
林託寤寐友朋又商參念此長離索忽披道暑吟上言

石谷子煙墨浣我襟下言山館靜圖畫寫蕭森右石谷
臨叔明

并錄題句云老來自笑筆頭迂寫畫如同寫
隸書黃鶴一聲山館靜道人正是午參餘

畫山狀其高畫雲狀其起雲起本無心恰到山腰止山

連雲斷之何人知此理請自房山高上溯襄陽米烏目

有山人於焉悟微旨豈徒驅煙雲直欲驚風雨雨山圖
米南宮

高房山遺意又題云山欲高盡出之
不見其高以煙雲斷其腰則高矣

西圃續集卷三

七

長松欲參天懸瀑欲到地緬懷松雪翁耶壑平生契想

像巖棲人解帶松間憩一條挂天紳虬鬚舞蒼翠濤聲

相與清恍然遇仙吹那用更彈琴山深有古意石谷仿
趙吳興

九夏松風圖題云檐前盡長
青冥幹瀑水猶懸翠壁流

卅年長向江湖住頗信江湖有真趣自誇身世一船輕

那知尚有驚禽避稍待西風艾菑開鳴舷還擬尋鷗鷺

卻羨琴川樂事多畫師愛寫南湖句燕文貴筆題云野
船着岸偃芳草水

鳥帶波
飛夕陽

濠叟苔書有千里一室之語再賦一律寄之

皖水迢遙頻問訊虞山清爽隔音塵七年重算三秋別

百里聊同一室親幸免離羣傷老友昨誤傳冠英有西河之戚嗣得其書
知危而復安 喜聞讀畫共高人石谷畫爲龐昆圃封翁新得 世間聚散原

無定還擬桃源訪舊津

登楞伽山覽吳王郊臺故址

敬天法祖非常事回首岐山定怨恫爲問投荒求藥意
忍將僭竊墮高風

吳儂垂老尙登臨獨立蒼茫弔古今一柄屬鏹千載恨
武邨王氣久銷沉

姑蘇臺二首

顧澗西橫山志旣載姑蘇臺在姑胥山者閩間所築在茶磨山與郊臺對峙者爲夫差所築又

西園續集卷三

支

參考諸說以爲在茶磨者可信而史記正義及吳地志皆不足據余訪郊臺後越半月又訪姑胥山今稱紫石山俗呼和合山下有姑蘇廟三椽甚荒隘土人云神爲吳王太子似尙有依附繼再登茶磨則毫無陳迹可尋茫茫千古孰從而證之耶時八月十八日石湖游船如蟻

麋鹿都荒後登臨望不窮青山歸越國香草贖吳宮歌
舞浮雲外旌旗夕照中子胥祠下水鳴咽恨流東

別館離宮思都隨逝水流空香飄桂窟野渡艤蘭舟已
破繁華夢聊乘汗漫游蕭疏隄畔柳不綰古今愁

顧子山方伯

文彬

約蔣心香水部

德馨

彭訥生觀

察

慰高

吳引之廉訪

艾生

吳語樵觀察

嘉椿

從

弟玉淦及余七人繪吳中七老圖屬虞山胡芭

孫注攜楮分就寫照旋以六人之照更迭摹仿

爲七圖圖成各歸其就寫之幅自爲題記藏之

蓋本香山洛社之舉而更出新意也余用梅村

祭酒體作歌紀之亦不欲蹈前人窠臼爾

怡園主人詞中仙招邀朋舊娛林泉手移犖确供雕鐫

徙倚似諷香山篇子山元卿高蹈閉戶眠卻攜塵尾尋

言詮讀書滿腹誇便便日高懶起邊孝先心香三吳族

望推彭錢撚髭微笑垂雙肩詩成述德累葉緜瓣香自

藝南酌虔訥生延陵御史風骨騫巡方仍袖青驄鞭偶

還里社揮吟箋春明尙憶圍鑪天引之養餘家住北郭

西園續集卷三

九

偏一竿綠水依門前故家喬木凌蒼煙圍綺叢中作少

年語樵風流予季猶翩翩禮堂手澤窺遺編豪情逸采

照廣筵銜杯時時中聖賢玉注不才老矣守硯田陶寫

哀樂無管絃畫師欲我招成連高山流水心茫然西園

重九日挈子敦先睦先山中展墓並至香雪海登

高

墓門要使認松楸林壑還教豁遠眸酌酒定增他日感

題餠須記此時游且期後約年年踐休憶前塵處處留

顏色尙丹彤漸瘦此身真似樹經秋

草堂閒坐

山容自古常如此人意而今又若何幾樹寒梅高過屋
一庭蒼蘚暗侵坡簾言滋味忙中負歌哭光陰夢裏過
賸得衰軀猶健在灌蔬蒔藥未蹉跎

窠孫殞於小釐花館忽忽十有八月矣觸景傷懷

聊書三絕

一棺又此寄庭隅

詒孫故時亦殯此

目斷簷前兩樹梧太息年

來精已竭更無老淚爲伊枯

避兵猶聽讀書聲

庚申夏兩孫皆在此讀書

亂定歸來尙雁行二十

餘年成一夢何因何果不分明

未有荒邱妥汝魂杖藜行處黯斜曛却憐地下諸兄妹

西圃續集卷三

三

風雨啾啾傍母墳

江甯廩生張丙垣

繼庚

以甲寅殉難城中越歲已

卯其孤始得招魂告窆並示紀略爰志以詩

城頭嗚嗚晚吹角一夕逃亡如敗籜有城不守賊守之
誰料城堅不可斫秣陵書生子房裔身辱心雄出奇計
仰天遙望將星明丸蠟投書暗揮涕不求功成邀顯秩
但望城還活遺孑擣虛批亢數千言嘔盡心肝繼以血
亦知兵機貴神速不密害成空頓足爭奈天方降禍深
徒勞知已吞聲哭是時咸豐歲甲寅越十一年賊始平
先皇赫怒詔方召湘淮豪傑應時興何曾一馬煩回

紇家祭應須告九京不用回紇君上
向帥書中語

飲申朗涵家看菊有作

費家河畔好幽居杞似蒼藤菊似蔬
猶有稻梁供杵臼齊穀皆出
自中饋 蔣詡開

止容鳥雀上階除孟光舉案真宜爾
門卻爲余野老不知談相業雲仍無恙住先廬朗涵爲
前朗文

定公十一世孫族人
比屋而居皆公遺構

編籬

短短疏籬淺淺渠擬栽秋菊種春蔬
此生五岳成虛願
吾老雙崦合退居釀舍早儲陶令秫
元亭空枕子雲書
朝來一飽聊乘醉昨夜西風送白魚

西園續集卷三

三

再贈朗涵

崦脚河頭路豈遙
屐痕不上福溪橋橋在光福鎮土人
稱爲竹行橋

言閉戶閒成懶我羨居山靜不囂屋外蘊
榆風掃葉盆

中葱蘢雨添苗辭官多少談林下林下何曾識市朝余

朗涵之齋
曰林下居

早莫坐小舸往來崦西者四日卽景成詠

貝塔凌波映遠空浮梁三孔界西東
虎山廟與龜峯寺

日挂篷窗坐畫中光福寺在龜峯西麓虎山有東嶽行
宮遙遙相對袁中郎所謂兩峽一溪

青巒四
而者也

倒影菱塘鏡裏天山根一道簇人煙
何年重種隄邊柳

覆取煙波好畫船

菱塘岸爲前明董南壽尙書所築當時風景桃柳相間畫船簫鼓往來湖

上見袁承之
光福游記

石址庵前方郵勻小雲臺下碧粼粼一灣臨水三間屋

巖茗憑闌又幾人

石址庵在鳳岡山麓適當西崦相傳爲宋黃子虛故宅今已圯其右崦濱

有小雲臺今名三官堂水
間三楹亦占湖山之勝

長杠一綫巨睛瀾山缺微茫巨浸寬記得扁舟搖出口

四山濃翠撲衣寒

銅坑橋湖光一綫恰直窺
山左麓舟行稍偏卽不見

渚上人家曉戶開初噉紅射碧螺堆竿絲一一荃香餌

釣得鰻魚打槳回

浮廟墩四面皆水廬舍桑麻儼然村落徐俟齋所謂遙望水面有物如螺

者是墩上田家以作釣
餌爲業專取縮項魚

西園續集卷三

五

聞說耕漁舊有軒雲林圖詠渺無存湖山留得讀書處

想像高風誰與論

徐良夫耕漁軒故址屢易主今歸一仁堂中有新築三楹余取先生詩句

題曰湖上
讀書處

草堂指點隔林蘿汶港彎環有幾坡認取噴阮銅井路

撥撓先過費家河

曉入聚塢

紅萼破晴春意早碧山柄隱我心閒峯迴路轉人家出

最愛門前水一灣

晚宿雅宜

暮煙紫入黃葉村斜陽欲落遠林昏挑燈一夜山莊住

月挂柳條深閉門

十一月二十日邀朱薇卿徵君

兆杓

蔣心香水部

德馨

彭訥生觀察

慰高

嚴蔚生大令

家承

松窗

小酌朱蔣皆丙戌同案彭爲癸卯同年嚴爲丁

酉同年落落同袍目前已無餘子清談半日因

紀以詩

逝者紛無數相看各老蒼

薇卿七十二心香七十訥生六十九蔚生六十六

名今隔世

三十年爲一世今距丙戌已五十四年丁酉四十二年癸卯亦三十八年矣

姓氏

舊聯行歡會衰來減交情澹處長晨星纔幾點此會照

金閨

西圃續集卷三

三

蘇晉長參佛邊韶有著書爭看聽旋馬莫道釜生魚聚
散原無定飛潛各自如灌蔬慚我拙敢傲賦閑居

讀書吟

人生悔過恒苦遲只爲讀書苦不早偶然尙友證行藏
始覺叢譬如茂草嗟嗟讀書良亦難勿論世族與孤寒
世族充楹不知讀孤寒欲讀抱空匱況復鬢齡事佔畢
錦坊官樣須勤習一篇入彀親喜歡片語驚人師賞識
便許操觚求問世優者飛翔劣者躓有時主者漫持衡
亦復瓊珉倒軒輕幾多矮屋困清才幾輩都堂釋褐來
升沉大抵由天付五十蘊瑗首重回悠悠婚宦縈心計

從此芸編高閣置鐘鼎山林兩渺茫
焚香一坐慙無地我亦流年逐逝波
一身俯仰恨蹉跎東隅已失桑榆在
聊借晴窗破倦魔

入山探梅適遇快雪始知粉本自在眼前也得六

絕句示李蘇鄰廉訪

鴻裔

獨乘雨後去探梅爲盼天公玉戲來好是迴風偏著力
扁舟不負冒寒開

倒影天光入鏡屏湖水欲結尙泠泠
好山似我頭顱白卻羨春來依舊青

天將詩魄濯冰壺瓊樹瑤林盡畫圖
安得人生長對此

西圃續集卷三

十四

胷中一點俗塵無

倒盡寒蘆野水寬數株枯柳卧荒灘
小橋兩岸無人迹一片疏篷露釣竿

凍禽幾點繪寒林四面山圍草屋深
忽見一枝紅萼破知他絕豔是冰心

粉彈墨暈化工奇此景分明輞水詩
卻笑風流前輩事

焚香禮卷一生癡

吳杜村前輩紹浣藏王摩詰劉松年
盛子昭女衡山禪南田五家雪圖每

年始下雪時以五卷並陳凡上摩詰
居中四卷分列左右具衣冠而拜之

以勝代 國朝諸賢尺牘歸蘇鄰賦此志別

翰墨精靈寓性情山林廊廟各崢嶸
焚香便結煙雲想

並儿如聞磬欬聲伴我卅年眞繼繼從今一室但空明
衣冠夢裏應來別細琢新詩當贈行

逃禪四梅花卷神游目想者二十年得藏秘笈者
又二十年今並歸蘇鄰詩以志之

執苑知音久寂寥平生結習擬全拋蘭亭未要他年殉
秘閣難忘曠代交眞賞幸逢誠可慰舊緣忍割有誰教
香光居士傳薪意強借前人作解嘲

雪中登四梅閣復成一律

一重雲構傍峇嶺寂歷空山鶴夢遙閣下苔枝常可把
畫中椒點莫相撩留將爪印原無定畧得頭銜已幸邀

西圃續集卷三

三

七百年來蹤跡幻不須惆悵到今朝

